



Húsavík 26. ágúst 2022

Kópaskershöfn

Áætlun um móttöku og meðhöndlun úrgangs og farmleifa frá skipum og bátum

Kópaskershöfn hefur einn viðlegukant upp á 119 metra og telst vera smábátahöfn.

Bátaumferð við Kópaskershöfn einskorðast við grásleppu vertíð og strandveiðar á sumrin ef fiskgegn er á nærmiðum. 5-10 bátar eru þá að jafnaði við höfnina. Lítil sem engin umferð er við höfnina á öðrum tímum ársins.

Á og við hafnarsvæðið eru staðsett 6 ílát fyrir úrgang, farmleifar og spilliefni.

Eitt lokað 2,8 m³ plastílát á hafnarsvæði undir blandað sorp.

Einn lokaður og læsanlegur 10 m³ krókgámur sem ætlaður er undir blandað sorp.

Einn lokaður og læsanlegur 10 m³ krókgámur ætlaður undir pappír, plast, og timbur (Endurvinnsla)

Tvö lokanleg kör undir rafgeyma og þess háttar spilliefni.

Einn 200. ltr. safntankur fyrir úrgangsolíu ásamt íláti undir smursíur og þess háttar.

Kópaskershöfn tekur ekki á móti skólpi frá skipum og bátum. Komi upp þær aðstæður að skip eða bátar þurfi að losna við skólpu er hægt að útvega dælubíl að skipshlið sem tekið getur á móti skólpinu.

Hafnarvörður fer yfir reglur um umgengni, umhirðu og notkun allra förgunaríláta með þeim aðilum sem heimild er veitt til að nota þau þegar lykjar eru afhentir að ílátunum. Hafnarvörður hefur reglulegt samráð við notendur móttökuaðstöðu með það að leiðarljósi að aðstaðan sé notuð eins og til er ætlast. Hafnarvörður sér síðan um daglegt eftirlit og eftirfylgni með umgengni á öllu hafnarsvæðinu og tryggir að ílátin séu rétt notuð.

Hafnarvörður tekur á móti kvörtunum og athugasemdum varðandi vanbúnað á móttökustöðum hafnarinnar og bregst við á viðeigandi hátt sé þess nokkur kostur. Einnig geta viðskiptavinir lagt inn formlegt erindi til framkvæmda og hafnanefndar sem tekið verður fyrir á næsta fundi nefndarinnar þar á eftir. Ef skipstjóri, eigandi eða umboðsmaður skips eða aðrir notendur hafnarinnar vilja koma á framfæri ábendingum um hvað betur má fara eða bera fram kvartanir vegna þjónustu hafnarinnar, s.s. vegna ófullnægjandi móttökuaðstöðu fyrir úrgang, skal viðkomandi snúa sér til hafnarstarfsmanna. Einnig getur viðkomandi sent inn skriflegt erindi eða kvörtun til hafnarstjóra (á þar til gerðu eyðublaði ef það er til staðar) á netfangið port @nordurthing.is. Brugðist verður við ábendingum og kvörtunum eins fljótt og kostur er.

Telji viðkomandi umkvörtunarefnið vera þess eðlis að vekja þurfi athygli umhverfisyfirvalda á því, ber honum að senda athugasemd til Umhverfisstofnunar. Ábendingum um ófullnægjandi móttökuaðstöðu í höfnum má koma á framfæri við Umhverfisstofnun með því að fylla út þar til gert eyðublað á heimasíðu stofnunarinnar:

<http://ust.is/atvinnulif/haf-og-vatn/mengun-fra-skipum/#Tab4>

Eyðublaðið er einnig að finna á enskri útgáfu á heimasíðunnar:

<https://www.ust.is/default.aspx?pageid=504d0e73-421b-11e7-941e-005056bc2afe>

Formeðferð á úrgangi og farmleifum fer ekki fram hjá Kópaskershöfn að öðru leiti en því að höfnin leggur til ílát undir allar þær gerðir af úrgangi, farmleifum og spilliefnum sem tekið er á móti hjá höfninni.

Notendur hafnarinnar eru nær eingöngu fiskiskip og skemmtibátar og falla því ekki undir 5. gr. reglugerðar nr. 1200/2014. Í þeim tilvikum þar sem tekið er á móti úrgangi og farmleifum frá skipum sem falla undir 6. gr. reglugerðarinnar eru lögð til sérstök ílát sem vigtuð eru sérstaklega og sorpgjald lagt á viðkomandi í samræmi við gerð og magn úrgangs. Gjaldinu er ætlað að standa undir förgunarkostnaði.

Viðskiptavinir og eða þjónustuaðilar skipa og báta sjá að öllu jöfnu sjálfir um að koma úrgangi, farmleifum, olíu og spilliefnum fyrir í viðkomandi ílátum og eru ábyrgir gagnvart hafnarverði að ílátin séu nýtt eins og fyrirmæli hans segja til um.

Allur úrgangur, farmleifar og sorp er flutt samkvæmt beiðni hafnarvarðar af þjónustuaðila íláta Íslenska gámafélagið ehf að Víðimóum 3. 640 Húsavík til förgunar.

Rafgeymar, rafhlöður og þess háttar spilliefni fara einnig í sorpmóttöku Íslenska gámafélagsins þar sem gengið er frá þeim til flutnings á viðurkenndan förgunarstað.

Olía, smursiur og þess háttar úrgangur er losaður samkvæmt beiðni hafnarvarðar af viðurkenndum aðila á vegum olíufélaganna sem sér um og tryggir viðeigandi förgun og skráningu á þeim úrgangi, sbr. 7. gr. Laga um varnir gegn mengun hafs og stranda 2004 nr. 33 7. maí.

Heildarlosun Kópaskershafnar á blönduðum úrgangi, farmleifum, spilliefnum á ári er um það bil 1.500. kg.

Rafgeymar, rafhlöður og þess háttar spilliefni fara einnig í Sorpsamlag Þingeyinga þar sem gengið er frá þeim til flutnings á viðurkenndan förgunarstað samkvæmt reglugerð nr. 806/1999 um spilliefni.

Viðskiptavinum hafnarinnar sem nýta sér þessa þjónustu er gert að greiða sorpgjald sem innheimt er mánaðarlega. Gjald þetta fer hverju sinni eftir ákvörðun hafnarstjórnar og er samþykkt af sveitarstjórn. Gjaldinu er ætlað að standa undir kostnaði við móttöku, losunar og förgunarkostnaði hverju sinni.

https://www.nordurthing.is/static/files/gjaldskrar/2019/gjaldskra_april_2019_samthykkt.pdf

Aðstaða hafnarinnar er í samræmi við 11 gr. Laga um varnir gegn mengun hafs og stranda 2004 nr.33 7.maí.

Áætlun þessi byggir á reglugerð nr. 1200/2014 um móttöku á úrgangi frá skipum, með síðari breytingum, með stoð í lögum nr. 33/2004 um um varnir gegn mengun hafs og stranda.. Lög nr. 55/2003 um meðhöndlun úrgangs. Reglugerð nr. 801/2004 um varnir gegn sorpmengun frá skipum. Reglugerð nr. 809/1999 um olíuúrgang, með síðari breytingum. Reglugerð nr. 1201/2014 um gjaldtöku í höfnum vegna losunar, móttöku, meðhöndlunar og förgunar úrgangs og farmleifa frá skipum, Reglugerð nr. 737/2003 um meðhöndlun úrgangs og reglugerð nr. 806/1999 um spilliefni, með síðari breytingum. Samkvæmt 5. gr. Reglugerðar nr. 1200/2014 skal áætlunin endurskoðuð á fimm ára fresti eða meiriháttar breytingar verða á rekstri hafnarinnar. Næsta endurskoðun skal fara fram eigi síðar en árið 2021.

Tilgangurinn með gerð áætlunarinnar er að koma í veg fyrir mengun og stuðla að því að lágmarka áhættuna af því að úrgangur geti borist út í umhverfið.

Tengiliðir:

Hafnafirvöld í Norðurþingi:

Sjá um eftirlit og utanumhald með móttöku sorps og farmleifa af skipum og bátum, sorpólátum, skráningum og skýrslugerðum vegna sorps og farmleifa. Hafnarstjóri ber ábyrgð á að áætlun þessari sé framfylgt.

Íslenska gámafélagið ehf:

Sjá um alla förgun á sorpi og úrgangi frá Kópaskershöfn.

Það er mat hafnastjórnar og starfsmanna hafnarinnar að aðstaða sú sem boðið er upp á athafnasvæði Kópaskershafnar uppfylli öll þau skilyrði sem sett eru í reglugerðinni miðað við þá umferð sem er um höfnina í dag.

Þórir Örn Gunnarsson.

Hafnarstjóri